

咸陽李岳瑞編 鹽城印水心修訂

評註
國史讀本

新學制中等學校適用

東漢史
三國晉



上海世界書局出版

第二冊

評註

國史讀本卷二目錄

第二編 中古史

東漢史

第一章 東漢之創興

- 一 光武之初起……………一
 - 二 光武之初起二……………三
 - 三 河北之創業……………四
 - 四 光武之卽位……………七
 - 五 隴蜀之削平……………九
 - 六 馬援之戰績……………一一
 - 七 光武之政術……………一三
- #### 第二章 東漢之強盛
- 一 明章之治……………一五

南北匈奴之分立……………一六

三 北匈奴之亡……………一八

四 班超定西域一……………一九

五 班超定西域二……………二一

六 班勇定西域……………二三

七 西羌之亂……………二四

八 西羌之亂……………二六

第三章 東漢之衰亡

一 宦官外戚之禍……………二七

二 和帝時之戚宦……………二九

三 安帝時之戚宦……………三〇

四 順帝時之戚宦……………三二

三國史

- 五 桓靈時之黨獄一……………三三
- 六 桓靈時之黨獄二……………三五
- 七 黃巾之亂……………三六
- 八 何進召外兵……………三八
- 九 董卓之亂……………四〇
- 十 李傕郭汜之亂……………四一
- 一 曹操之始起……………四四
- 二 袁氏之覆滅……………四六
- 三 劉先主之始起……………四八
- 四 孫權之始起……………四九
- 五 孫劉之合從……………五一
- 六 赤壁之戰……………五三

晉史

- 七 先主入蜀……………五五
- 八 孫曹構兵……………五六
- 九 吳蜀交惡……………五八
- 十 魏蜀吳之立國……………五九
- 十一 諸葛亮之南征……………六一
- 十二 諸葛亮之北伐……………六二
- 十三 司馬懿之專政……………六五
- 十四 蜀事始末……………六六
- 十五 吳事始末……………六七
- 十六 魏司馬氏始末……………六九
- 十七 蜀魏之滅亡……………七〇
- 十八 吳之滅亡……………七二

東晉史

第一章 東晉之治亂

- 武帝之荒縱……………七五
- 賈后之亂……………七七
- 八王之亂一……………七九
- 八王之亂二……………八〇
- 周處討氏羌……………八二
- 五胡亂華之始……………八四
- 晉之滅亡……………八五
- 元帝之東渡……………八七
- 祖狄之恢復中原……………八九
- 王敦之亂……………九〇
- 蘇峻之亂……………九二

第二章 五胡十六國之興亡

- 五 陶侃逸事……………九四
- 六 桓溫之亂……………九五
- 一 五胡十六國……………九八
- 二 前後趙之興亡……………一〇〇
- 三 李氏據蜀始末……………一〇二
- 四 趙魏之興亡……………一〇四
- 五 前涼張氏一……………一〇五
- 六 前涼張氏二……………一〇六
- 七 慕容前燕之興……………一〇八
- 八 苻秦之興一……………一〇九
- 九 苻秦之興二……………一一一
- 十 秦滅前燕……………一二二

十一 淝水之戰……………一二四

十二 苻秦之亡……………一二六

十三 拓跋魏之興……………一二八

十四 秦涼之分裂……………一二九

第三章 東晉之滅亡

一 王恭之亂……………一二一

二 桓玄之亂……………一二三

三 劉裕起兵定亂……………一二五

四 劉裕翦滅羣雄……………一二六

五 長安之亂……………一二九

六 劉裕之篡弒……………一三〇

七 李密王褒……………一三二

八 庾袞陶潛……………一三三

註

國史讀本卷二

第二編 中古史

東漢史

第一章 光武之創興

一 光武初起一

東漢
劉秀
劉縯
綠林兵
新市兵
平林兵
劉玄爲
帝

新莽亡而光武中興，是爲東漢。光武帝諱秀，字文叔，南陽人。景帝子長沙王發之後也。九歲而孤，美須眉，隆準日角，性勤於稼穡，而兄縯豪俠，養士，常非笑光武。王莽時，之長安，學尚書，略通大義。莽末，連歲旱蝗，天下兵起，及棄學歸鄉里。兄縯方會衆謀起兵，急將賓客往赴，初縯之謀舉事也，子弟恐懼，多逃亡者。及光武至，皆驚曰：「謹厚者亦復爲之耶？」乃稍自安。時羣盜紛起，有號爲綠林兵及新市平林兵者，悉招之來，遂擊破莽軍，進圍宛，而立劉玄爲帝，改元更始。更始者，亦漢宗室也。縯爲司徒，光武爲將軍。莽聞漢兵起，大懼，使其將王尋、王邑將兵百萬救宛，旌旂輜重，千里不絕，有巨無霸者，長

巨無霸

昆陽之戰

虎豹情
伏

一丈，大十圍，以爲壘尉，驅虎豹犀象之屬，以助威武。自秦漢出師之盛，所未有也。諸將見莽兵盛，皆走入昆陽。尋邑進圍之，列營數十重，雲車十丈，倓瞰城中，地道衝棚，百道俱進，鉦鼓聲聞數十里，城中人皆負戶而汲。諸將皆恟懼，光武獨率所部千餘人爲前鋒，去大軍四五里而陣。尋邑遣兵合戰，光武奔之，斬首數十級。諸將喜曰：「劉將軍平生見小敵怯，今見大敵勇，甚可怪也！」時續已拔宛，諸將亦累勝，膽氣益壯，無不一當百。光武乃率敢死士三千，從城西水上衝莽軍中堅。尋邑陣亂，乘銳崩之，於陣斬尋，城中亦鼓譟而出，中外合勢，呼聲動天地。莽兵大潰，走者相騰踐，奔殪百餘里，會大風雷雨，屋瓦皆飛，虎豹悉戰栗，伏不敢動。王邑以輕騎度水遁去，盡獲其軍實輜重，不可勝數。

昆陽之戰，光武以什不及一之兵，率先鼓勇，而將士無不以一當百，非獨帝王有真，亦因兵以義動耳。尋邑雖有兵百萬，又安所用之。

○【南陽】漢郡名，今河南南部及湖北北部。秀居南陽蔡陽縣之白水村，起兵春陵，即今湖北棗強縣。蔡陽故城，在棗強縣北。○【綠林兵】綠林山名，在湖北當陽縣。馬武王常輩聚此號綠林兵。○【

更始殺
續

光武自
晦

王莽伏
誅

新市】今湖北京山縣。王匡王鳳輩聚此號新市兵。④【平林】今湖北隨縣。陳牧廖湛輩聚此號平林兵。⑤【宛】即今湖北隨縣。⑥【昆陽】今河南葉縣。

二 光武初起二

光武兄弟，功名日盛，諸將疾之，交譖諸更始，誣續以罪而殺之。光武方下潁川，急詣宛，謝見更始，第自引過而已，未嘗伐昆陽之功。更始以是內慙，進光武爲大將軍，封武信侯。光武外不敢爲兄服喪，飲食言笑如平時，而晏居獨處，輒涕泗交頤，哀不自勝。昆陽戰後，四方豪傑爭殺其牧守，用漢年號，莽聞之，憂懼不知所出，惟日夜禱祠，爲厭勝而已。漢軍乘勝攻克武關，三輔響應，莽募市人拒戰，益吝賞賜，士皆解體，不爲用。漢兵進攻長安，莽坐漸臺上，陳兵自衛，猶效孔子語曰：「天生德於予，漢兵其如予何！」明日，衆兵登臺斬莽，分其身，節解鬻之，傳首至宛。莽自稱帝號至亡，凡十有五年。漢別將攻克洛陽，更始將徙都之，以光武行司隸校尉事，使前修整宮室，於是致僚屬，作文移，從事司察，一如舊章。時三輔吏士東迎更始，見諸將皆冠幘，而服婦人服，竊笑之，或有畏而走者。及見光武，乃歡喜不自勝，老吏或垂泣曰：「不圖今日復見漢官威儀，由是識

更始入長安

隗囂

公孫述

赤眉

光武北徙幽冀
鄧禹杖策投軍

者咸歸心矣。」更始北都洛陽，旋西幸長安，封同姓異姓功臣，皆爲諸王，凡二十人，諸將起羣盜，本無遠略，驟貴盛，爭權樹黨，漫無綱紀，羣小膳夫，悉濫授官爵，長安中爲之謠曰：「竈下養，中郎將，爛羊頭，關內侯，爛羊胃，騎都尉。」政亂民離，益無固志。時與漢並起者，隴上有隗囂，蜀有公孫述，流寇中州者，爲赤眉。後更始爲赤眉所攻，力屈而降，赤眉更立劉盆子爲帝，剽掠三輔，所過成墟。

註

①「潁川」郡名，今河南中及南部。

②「武關」在今陝西商縣。

③「三輔」京兆及馮翊扶風。

今陝西關中道地。

④「漸臺」即未央宮之漸臺也。凡臺之環浸於水者皆曰漸臺。

⑤「洛陽」今河南洛陽縣。

⑥「隴上」即隴西今甘肅地。

⑦「蜀」即成都，今四川省會。

⑧「中州」今河南中部。

三 河北之創業

更始封光武爲蕭王，以爲大司馬，使徇河北幽薊諸郡，所至除莽苛政，南陽鄧禹，年二十四，杖策謁軍門曰：「更始庸才，諸將皆羣盜，無大志，帝王大業，豈凡夫所任，其亡在旦暮間耳。大王莫若延攬英雄，深結民心，復高帝之業，救生民之難，天下不足平也。」光武大悅，令禹常止宿臥內，參預大事，由是始貳於更始矣。光武方北徇燕薊，而卜者

王郎稱帝

燕蓼亭
潞沱河

馮異麥飯

銅馬賊

赤眉入關

寇恂守河內

王郎詐稱成帝子，起邯鄲，稱帝。州郡應之。光武方至薊，郡人已應郎，急促駕出城。晨夜南馳，至燕蓼亭，絕食。馮異上豆粥，臨潞沱河，苦無船，使王霸往視，霸恐驚衆，還即詭曰：「冰堅可渡。」遂前至河，河冰適合，涉以濟。至南宮，遇大風雨，入道旁空舍。馮異抱薪，鄧禹爇火，光武對竈燎衣。異又進麥飯，稍得息。時冀州郡縣皆已降郎，獨信都和戎爲光武守，乃之信都，發旁縣兵，移檄討王郎。諸郡稍有應者，已而上谷、漁陽諸將皆以兵來會。光武進拔邯鄲，斬郎，收其文書，得吏民與郎交通者，悉焚之曰：「令反側自安也！」一時河北銅馬賊猶盛，光武自將擊降之。諸將爭言不可輕受，降者頗不自安。光武令各歸營勒兵，自乘輕騎，按行部陣，降者皆感泣。相語曰：「蕭王推赤心置人腹中，安得不投死乎！」時赤眉已入關，更始勢益蹙，光武乃遣鄧禹西征，自引兵北徇燕趙。禹薦寇恂守河內，恂調芻粟，治器械，以供軍，未嘗乏絕。光武謂羣臣曰：「吾之有恂，如高祖之有蕭何也。」

王霸視潞沱河還，詭稱堅冰

東漢初羣雄割據表

可渡，足以安衆心而集大事，實有

人	名	稱	號	根據地	古	地	今	釋
---	---	---	---	-----	---	---	---	---

應變之才，是時追騎將迫，有進無退，使既至河濱，流漸如故，亦惟有鼓勇而前，亂流以濟耳。必無畏難束手，坐待困阨之理。河冰適合，初非霸所逆料，雖曰天意，亦人定者實能勝之也。

註

①【河北】今直隸正定一

帶。②【幽】今北京。③【薊

】今京兆大興縣。④【邯鄲】

今直隸邯鄲縣。⑤【蕪荑亭】

在今直隸饒陽縣東北，俗名蕪荑

社。⑥【滹沱河】源出山西繁

峙縣秦戲山，經直隸正定，保定，河

劉玄	更始皇帝	洛陽	河南全部
公孫述	成帝	成都	四川省
隗囂	西州上將	隴西	甘肅東南部
盧芳	西平王	安定	甘肅東北部
竇融	河西大將軍	河西	甘肅西北部
劉永	梁帝	睢陽	山東江蘇河南等地
王郎	漢帝	邯鄲	直隸西南部
樊崇	赤眉	無定	山東河南山西陝西一帶
李憲	淮南帝	舒	安徽江蘇一帶
董憲	海西王	郟	山東東南部
張步	齊王	祝阿	山東北部
彭寵	燕王	漁陽	直隸中部
秦豐	楚黎王	黎邱	湖北中部
銅馬賊	無定	河北一帶	

劉永
公孫述
李憲
秦豐
張步
董憲

赤伏符
鄧禹
西
征
光武
即位
定都
洛陽

間天津入海，其下流曰子牙河。⑦【南宮】今直隸南宮縣。⑧【冀州】今直隸東南部河南北部及

山東西北部。⑨【信都】今直隸冀縣。⑩【和戎】今直隸正定縣。⑪【上谷】今直隸懷來縣。

⑫【漁陽】故城在今京兆密雲縣東南。⑬【河內】今河南河北道。

四 光武即位

河北既平，諸將爭勸進，光武不可。是時長安政亂，四方背叛，劉永擅命睢陽，公孫述稱尊巴蜀，李憲自立於淮南，秦豐自號楚黎王，張步起琅邪，董憲據東海，延岑據漢中，田戎起夷陵，並置將帥，侵略州郡，而羣盜青犢、鐵脰之屬，又數百萬人，所在侵掠。諸將復固請稱尊，曰：「天下士大夫捐親戚，棄家室，從大王於矢石之間者，望攀龍附鳳，以成所志耳。大王不速正位號，衆心一散，大事去矣！」會光武先在長安時，同舍生彊華來奉讖書，名赤伏符者，上之。中有劉秀爲主語。光武固信讖，始從羣臣請，卽帝位於鄴南，改元建武。是年十月，定都洛陽。鄧禹之西征也，師行有紀，關中父老望風歸順，爭餽壺漿、簞食，以迎王師。禹駐軍勞來之，垂髻戴白者滿車下。建武二年，赤眉殺更始，大掠而西，禹乃入長安。赤眉復還攻，禹迎戰不利，棄長安而走。帝遣馮異代禹將，禹自慙無功。

戰 渑池之

赤眉平

要異與合擊赤眉於回谿，復大敗，禹脫歸洛陽，異復收散卒，堅壁自守，已而赤眉食盡，思走異，縱兵擊之，大破諸渑池之崦底。帝聞捷，大喜，手書勞之曰：「始雖垂翅回谿，終能振翼渑池，可謂失之東隅，收之桑榆者矣。」帝知赤眉之將潰走也，親勒兵於宜陽，以待之，赤眉果東竄，至宜陽，驟見大軍，震懼失次，其將樊崇、徐宣等奉劉盆子以降，帝大陳兵馬，令崇等觀之，謂曰：「得無悔降之失計乎？」皆稽首曰：「去虎口而歸慈母，誠歡誠喜，安敢悔乎！」

〔評〕 世以光武信圖讖爲非，然時乘喪亂，衆志未齊，出險濟艱，自不得不假神道以設教耳。此固不足爲盛德之累也。

〔註〕 ①【睢陽】今河南商邱縣。 ②【巴蜀】今四川成都。 ③【淮南】治舒，今安徽舒城縣。 ④【

楚黎王】據黎邱，今湖北宜城縣。 ⑤【琅琊】今山東兗青沂萊及膠州之地。 ⑥【東海】今江蘇東

海縣，後徙郟，今山東郟城縣。 ⑦【漢中】今陝西漢中道。 ⑧【夷陵】今湖北夷陵縣。 ⑨【青犢鐵

脰】俱赤別部，約在今河南山西一帶。 ⑩【鄆南】今直隸高邑縣。 ⑪【回谿】卽東崦山阪，一名回

谿阪，長四里，闊二丈五尺，在河南洛甯縣北。 ⑫【渑池】今河南渑池縣。 ⑬【崦底】謂崦山之底，崦

山在今河南永甯縣東西，二嶠相去三十五里之底也。⑤〔宜陽〕今河南宜陽縣。

五 隴蜀之削平

隴西隴
公孫述
據蜀
援馬

子陽井
底蛙

寶融歸
漢

光武卽位數年，四方僭僞，以次削平，其最強而最後亡者，則隴蜀公孫述是也。新莽末年，隴據隴右，述據蜀中，述自立爲帝，而隴獨歸心於漢。述使與隴連和，隴遣馬援往報聘。援與述有舊，謂當握手如平生歡。既至，述顧盛陳兵衛以見之，禮饗甚盛。援語其屬曰：「天下雌雄未定，公孫不吐哺走迎國士，反脩飾邊幅，如土木偶人，此何足以辱天下士乎？」因辭歸，謂隴曰：「子陽井底蛙耳，而妄自尊大，不如絕之。」隴乃使援奉書詣洛陽，帝岸幘立殿廡下，迎之曰：「卿遨遊二帝間耶？」援頓首曰：「天下未定，非但君擇臣，臣亦擇君，臣與公孫述相善，臣之至蜀也，述陞戟而後見臣，今遠來，陛下安知非刺客奸人，顧簡易若是，乃知帝王自有真也。」援歸，爲隴說東方事甚悉，隴頗不懌。援知其有異志，遂辭去，仍歸漢。隴未幾稱臣於述。於時寶融自稱涼州牧，挈河西五郡來歸，帝以殊禮待之，欲以風示隴。隴不悟，而遣辨士說融自立。帝仍以融牧涼州，賜書曰：「今必有教卿爲趙佗者。」書至河西，皆驚，以爲帝明見萬里外也。帝積苦兵間，江淮

自將伐

聚米爲山谷

借寇君一年

隴右平

吳漢伐蜀平

既定，謂諸將曰：「且當置隴蜀於度外耳。而囂逆跡益甚，不得已，自將征之，召馬援問隴上虛實，援於帝前聚米爲山谷，指畫形勢，示進軍所從徑道。帝喜曰：「此虜已在吾目中矣。」部勒諸軍，先後上隴，囂迎戰不利，奔西城，會潁川盜起，帝馳還征之，而寇恂以前驅先至，賊服其威惠，相率歸降，恂將歸，百姓遮道留之，曰：「願得借寇君一年。」乃留恂鎮撫，而遣別將西征，未幾，囂病死，子純立，漢軍攻降之。隴右悉平，其次年遣岑彭、吳漢將兵伐蜀，彭將舟師，漢統步騎，水陸并進，大破蜀軍於荊門，遂入峽，會述使刺客刺殺彭，漢獨將以進，明年克成都，述死於亂軍，蜀平，詔竇融率五郡太守入朝，天下復統於一。

註

隴蜀有異志，必恃河西爲聲援，而煽惑河西者，亦必援尉佗爲往例，光武慮之熟矣。一語伐其謀，先聲奪人，莫捷於此。

註

①【隴右】今甘肅東南部。

②【蜀中】今四川成都。

③【涼州】今甘肅平涼縣。

④【河西

五郡】卽武威、張掖、酒泉、敦煌、金城五郡，在今甘肅西北部。

⑤【西城】漢縣，故城在今陝西鞏昌縣西。

⑥【潁川】今河南中部。

⑦【荊門】山名，在今湖北宜都縣，與虎牙山相對。

⑧【峽】卽巫峽，在

今奉節縣東。⑨【五郡】卽河西五郡。

六 馬援之戰績

大才晚成

守錢虜

平西羌

徵側徵
貳波將
軍

馬援，字文淵，扶風人也。年十二而孤，從兄况受齊詩，不肯爲章句之學，恆欲就邊郡田牧，况奇之，曰：「汝大才，當晚成，且從所好耳。」會况卒，援服喪如喪父母，廬墓期年，不入室門。後緣事亡命北地，因留牧畜，賓客歸附者至數百家，嘗謂人曰：「丈夫爲志，窮當益堅，老當益壯。」牧畜數年，有牛馬羊數千頭，穀數萬斛，歎曰：「凡殖產積貨者，貴其能施濟人耳！否則爲守錢虜矣！」乃盡斥所畜，以頒昆弟故舊。光武卽位，遂歸洛陽，隗囂之平，援有功焉。自王莽末，西羌寇邊，入居塞內，金城諸縣多爲虜有，來歙言隴右荒殘，非援莫能定者，遂拜援隴西太守。援轉戰年餘，屢破羌衆，招來流散，悉復其居，爲置長吏，繕城郭，起塢候，開通水道，勸民耕牧，郡中樂業，不知寇警。援爲人明須髮，眉目如畫，閑於應對，帝嘗言：「與諸將論兵，惟援與我意合，每有所謀，未嘗不用。」交趾女子徵側、徵貳反，自立爲王，拜援爲伏波將軍，往征之。援破斬側、貳，傳首洛陽。嶺以南雖武帝時已入版圖，然朝廷以荒服置之，援旣平交趾，始爲治城郭，脩法制，申明約束，漢民與

征交趾
立銅柱
豐鑠哉
是翁

朱勃爲
馬援訟
冤

蠻族始得安居，因立銅柱以表南界。後五溪蠻反，援請征之。帝哀其老，未之許。援請益力，乃被甲上馬，據鞍顧盼，以示可用。帝壯之，曰：「豐鑠哉，是翁也。」遂行。竟卒於軍。初，援與帝壻梁松有隙，松數讒諸帝。援在軍中，服薏苡却瘴，喪還，載之盈車。援仇家遂指爲南中珍寶，帝怒，追援列侯印綬。妻子皆席藁待罪，皇恐不敢葬。援故人朱勃上書訟冤，帝意始解，乃得歸葬。援與勃總角交，及貴，勃尙爲縣令。援恤卑侮之，勃待援如故，及援遇讒，賓客故舊莫敢言其冤者，惟勃能終焉。

〔評〕

馬援平西羌，因勢利導，俾民耕牧有資，與趙充國之屯田湟中同一遠慮。厥後馬援征蠻，與充國之平羌皆屬老而益壯。乃充國卒以成功，而援不克集事，是豈時命爲之，抑亦遠猷勝算，援固有不逮充國者。至於身擗瘴厲以死，勤事鞠躬盡瘁之義，實爲無愧。胡寅乃謂馬革裹屍，歲於馮婦。若然，則臨陳鼠竄者，將謂明哲保身乎？不獨刻論，直是庸談。

〔註〕

①【扶風】今陝西扶風縣。②【交趾】即今安南國。③【銅柱】凡二根，植立於象林南界。在今安南順化縣南。④【五溪蠻】即武陵蠻也。五溪曰雄溪、楠溪、西溪、撫溪、辰溪，俱在武陵。即今湖南常德縣。